

ՊԱՏՄՈՒԹՅԱՆ ՇՐՋԱՊՏՈՒՏԱՅԻՆ ԿՈՆՑԵՊՏԻԱՅԻ ՔՆՆԱԴԱՏՈՒԹՅԱՆ ՇՈՒՐՋԸ

Հ. Գ. ԱՍԼԱՆՅԱՆ

ՍՄԿՊ XXII համագումարի նյութերում ու որոշումներում, մեր ժամանակների ստեղծագործական մարքսիզմի մեծագույն փաստաթղթում՝ պարտիայի նոր Մրազրում վառ կերպով ցույց են տրված երկու սիստեմների՝ սոցիալիստական և կապիտալիստական համաշխարհային սիստեմների զաղափարական պայքարի սրումը, սոցիալիստական զաղափարախոսության համաշխարհային-պատմական հաղթանակները և բուրժուական զաղափարախոսության խոր ճգնաժամը:

Պարտիայի Մրազրում ասված է. «Արդի աշխարհում կատաղի պայքար է զենում երկու զաղափարախոսությունների՝ կոմունիստական և բուրժուական զաղափարախոսությունների միջև: Այդ պայքարը կապիտալիզմի սոցիալիզմին անցնելու պատմական պրոցեսի արտացոլումն է մարզկուլյան հոգևոր կյանքում: Պատմական նոր դարաշրջանը իսկական հաղթանակ բերեց պրոլետարիատի ռեվոլյուցիոն աշխարհայացքին: Մարքսիզմ-լենինիզմը դարձել է առաջավոր մարզկուլյան մտքերի տիրակալը: Բուրժուական ուսմունքները և դպրոցները չդիմացան պատմական ստուգմանը: Նրանք չկարողացան և չեն կարող դիտական պատասխան տալ կյանքի առաջ քաշած հարցերին: Բուրժուական աշխարհը ի վիճակի չէ աշխարհի զաղափարները առաջ քաշել, որոնք կարողանային ժողովրդական մասսաներին տանել իրենց հետևից: Կապիտալիստական երկրներում ավելի ու ավելի մեծ թվով մարզիկ են իրենց կապերը խզում բուրժուական աշխարհայացքի հետ: Բուրժուական զաղափարախոսությունը խոր ճգնաժամ է ապրում»¹:

Այս բնութագրությունը վերաբերում է բուրժուական զաղափարախոսության բոլոր բնագավառներին՝ փիլիսոփայությանը, տնտեսագիտությանը, պատմագրությանը, սոցիոլոգիային, էսթետիկային, հոգևորությանը և այլն և, ամենից առաջ՝ պատմափիլիսոփայությանը: Սա բնորոշ է. պատմափիլիսոփայության մեջ, ասես ֆոկուսի մեջ, խտացած գրգռումում են բուրժուական մտքի սնանկության բոլոր ախտանիշները՝ զեղրագացիա, տարրեմացություն, սոցիալական հոգեւետություն, իռացիոնալիզմ: Սա հասկանալի է. պատմափիլիսոփայությունը հասարակական մարքի մի աշխարհի բնդհանրացնող բնագավառ է, որտեղ տարրեր գտնակարգեր, պարտիաներ ու գործիչներ որոնում են պատմության բնթացքի արմատական հարցերի պատասխանը՝ հասարակության զարգացման, ամբողջ պատմական պրոցեսի բովանդակության, շար-

¹ Սովետական Միության կոմունիստական պարտիայի ծրագիրը, էջ 60:

ժիշ ուժերի, կարգացման ընդհանուր ուղղության, վերելքների ու վայրէջքների, առաջադիմության կամ հետադիմության պրոբլեմներին վերաբերող պատասխանները: Այստեղ բուրժուական մտքի անզորությունը հանդես է գալիս հատուկ ցայտունությամբ: Բմպերիալիզմի գաղափարախոսները անկարող են լրջմիտ, ռացիոնալ կերպով պատասխանելու այն հարցերին, թե ինչու և ինչպես ստեղծվեց և հաղթականորեն առաջ է ընթանում սոցիալիզմի համաշխարհային սիստեմը, ո՞րն է իմպերիալիզմի գաղութային սիստեմի փլուզման պատճառը, ի՞նչ դեր են խաղում ժողովուրդները արդի պատմության մեջ, ո՞ւր է տանում տեխնիկայի զարգացումը, մինչդեռ սրանք մեր զարաշրջանի մեծագույն պրոցեսներն են: Հիասթափությունը ներկայից, վախը ապագայի նկատմամբ, սոցիալական վհատությունը, բանականության ու գիտության սկզբունքներից հրաժարվելը և կրոնական սիստեմներին ապավինելը — ահա իր մայրամուտի պրոցեսն ապրող իմպերիալիզմի գաղափարական ճգնաժամի մի քանի բնորոշ դժերը: Խճարկե, գաղափարական ճգնաժամը երկնքից վայր չի ընկնում, դա այլ բան չէ, քան կապիտալիզմի ընդհանուր ճգնաժամի արտացոլումը այդ սիստեմների պաշտպանների գիտակցության մեջ, ճգնաժամ, որը մտել է իր երրորդ էտապը:

Նրկու ձևով է դրսևորվում այդ ճգնաժամը (խոսքը գաղափարական ճգնաժամի մասին է)։ մի կողմից հակակոմունիզմը, կեղծիքն ու զրպարտանքը սոցիալիստական սիստեմի, նրա քաղաքականության, մարքս-լենինյան իդեոլոգիայի հասցեին, ինչպես և դեմոկրատական ու գաղութային ժողովուրդների ազատագրական շարժման հասցեին: Հակակոմունիզմը իմպերիալիզմի գլխավոր քաղաքական ու իդեական դեմքն է, կոմունիզմի հասցեին արված զրպարտանքի հետ միասին հակակոմունիզմը իմպերիալիզմի անվուսպ ջատագովությունն է: Այս հողի վրա են ստեղծված «ժողովրդական կապիտալիզմի», «տեխնոկրատիայի», գաղափարային պայքարի մարման և այլ կեղծ տեսությունները: Մյուս կողմից, դեգերումներ, տարրնթացություն, նիհիլիզմ, համաշխարհային քաղաքակրթության կատաստրոֆիկ կործանման անխուսափելիության վերաբերյալ վայնասուններ, սոցիալական խոր պեսիմիզմ և այլն: Հորինվում են պատմության ընթացքի, սրա անցյալի, ներկայի, ապագայի վերաբերյալ բազմապիսի, հաճախ իրարամերժ, խախուտ կոնցեպցիաներ, նպատակ ունենալով դրանք հակադրել մարքսիզմ-լենինիզմի պատմափիլիսոփայությունը, վարկաբեկել հասարակական առաջադիմության, իսկ դրա հետ միասին՝ նաև կոմունիզմի գաղափարը: Այս է հարցի էությունը:

Ահա այդպիսի մոդայական, բուրժուական երկրներում շատ տարածված կոնցեպցիաներից է պատմության շրջադաստատային (ցիկլային) կոնցեպցիան: Սա շատ հնադարյան և հնամաշ պատմափիլիսոփայություն է, բայց բուրժուական գաղափարախոսները շատ հաճախ են անդրադառնում դրան և այժմ այն վերականգնում են դանազան ձևերով ու վարիանտներով: Հսկայական դրականություն է ստեղծված, և այժմ էլ շարունակում է ստեղծվել այդ հարցի շուրջը:

Հասարակական առաջադիմության (պրոգրեսի) գաղափարի պատմությունամբ զրադվող բուրժուական մի շարք պատմաբաններ ու սոցիոլոգներ ձգտելով վարկաբեկել այդ գաղափարը, հարցի պատմությունն այնպես են ներկայացնում, թե իբր միայն շրջապատուտային կոնցեպցիան է համապատասխանում

սլատմության տրադիցիաներին, իսկ առաջադիմության (պրոգրեսի) գաղափարը պատահական գաղափար է, այն հիմքեր չունի, առաջ է քաշվել միայն վերջին դարերում և դիտականորեն չի հիմնավորվել: Այս տեսակետը սլարգապես հակասում է պատմական իրականությանը. բուրժուական շատ սլատմարաններ, ընդհակառակը, գտնում են, որ առաջադիմության գաղափարը պալիս է շատ հնից: Սակայն ներկա հոգվածում մենք հարցի պատմությամբ զբաղվել չենք կարող, գա մեզ շատ հեռու կտանի: Մի կողմ թողնելով այդ հարցը, այստեղ մենք կփորձենք քննականորեն ուրվագծել շրջապատության կոնցերտային դրսևորումները իմպերիալիզմի մի քանի ճանաչված գաղափարախոսների մոտ, նշելով դրանից արվող քաղաքական եզրակացությունները և այդ կոնցերտային անհիմնությունը: Այստեղ առաջին հերթին պետք է հիշատակվեն իմպերիալիզմի այնպիսի պաշտպաններ ու ջատագովներ և սոցիալիզմի մոլի հակառակորդներ, ինչպիսիք են Ֆր. Նիցշեն, Օս. Շպենգլերը, Ա. Թոյնբին և ուրիշներ:

Պատմության իբրև թե շրջապատության բնույթի միտքը, որով ներթափանցված են ժամանակակից բուրժուական շատ սոցիոլոգների գործերը, համառոտակի կարելի է բնութագրել այսպես. մարդկության, քաղաքակրթության, կուլտուրայի պատմությունը գոյանում է տեղով ու ժամանակով ներփակ շրջաններից, քաղաքակրթություններից. յուրաքանչյուր այդպիսի շրջան ունի իր ծագումը, ծաղկումը, կործանումը, որից հետո նոր շրջան է սկսվում, անցնելով նույն ֆազերը: Այդ կոնցերտային համաձայն ժողովուրդների կյանքում պարբերաբար տեղի է ունենում վերադարձ դեպի անցած փուլերը: Այդպիսի հիմնական փուլեր բուրժուական գաղափարախոսները համարում են նախնադարյան, ֆեոդալական ու բուրժուական քաղաքակրթությունները: Հասարակական առաջադիմության նոր, ավելի բարձր փուլ, օրինակ՝ կոմունիզմը, կտրականապես մերժվում է: Ըստ այդ հայացքի, մարդկությունը գատապարտված է շարունակ պատվելու շահագործողական հասարակարգերի շրջանակներում, ինչպես սկյուոր՝ անխլում: Այս բնդհանուր սխեման, սակայն, դանազան վարիանտներով է հանդես գալիս: Համառոտակի ծանոթանանք դրանցից մի քանիսին:

Իմպերիալիզմի վաղ գաղափարախոսներից մեկը՝ գերմանական փիլիսոփա Ֆրիդրիխ Նիցշեն է, որի փիլիսոփայության հիմնական դրույթներից մեկը, այսպես կոչված, «մշտնջենական վերադարձի» սկզբունքն է: Այդ փիլիսոփայի կողմից վերոհիշյալ սկզբունքը հռչակված է անգամ «տիեզերական օրենք», որի հայտնագործումն, իբր, իրեն է պատկանում: Այդ «տիեզերական հայտնագործություն» համաձայն տիեզերքի իր էվոլյուցիայի մեջ պարբերաբար կրկնում է անցած փուլերը, ձևերն ու ստրուկտուրաները, որոնք այժմ կան և անցյալում մի քանի անգամ կրկնվել են: «Հավիտենական վերադարձ» — այսպես է անվանում Նիցշեն տիեզերքի այդ օրենքը: Նա փորձում է այդ օրենքը տարածել մարդկության զարգացման պատմական պրոցեսի վրա և դրանով իսկ բռնել ժողովուրդների ապագա ճակատագիրը, որանցից, իբր, սպասում է վերադարձ՝ դեպի կյանքի անցած ձևերը: Մաք, մեկամաղձոտ, բացականչում է Նիցշեն, բո կյանքը ավագի ժամացույցի նման պետք է բնթանա հավիտենական ու մշտնջենապես կրկնվող շրջապատույթի մեջ: Նիցշեի փիլիսոփայության մեջ դրսևորվել են բուրժուական մտքի ճգնաժամի, սոցիալական պեսիմիզմի առաջին նուպաները: Չմոռանանք, որ խոսքը վերաբերում է անցյալ դարի վերջին տասնամյակներին (1880—1890-ական թթ.), երբ բանվորական սոցիալիստա-

կան շարժումը տարածվում էր լայնությունում ու խորությունում, իսկ դրա հետ միասին մարքսիզմը իր ունիվերսիտետն զտափարսերով դառնում էր միջազգային բանվորական շարժման ճանաչված գաղափարախոսություն, կապիտալիզմը թեակոխում էր իր վերջին, իմպերիալիստական փուլը, բուրժուական պրոգրեսը դրսևորում էր իր սահմանափակությունը: Եւ կապիտալիզմի քայքայման սկիզբն էր:

Պատմության շրջապտուտային կոնցեպցիան յուրահատուկ ձևով է հանդես գալիս գերմանական իմպերիալիզմի մյուս գաղափարախոսի՝ Օսվալդ Շպենգլերի գործերում: Առաջին համաշխարհային պատերազմը և դրան հաջորդող Հոկտեմբերյան սոցիալիստական Մեծ ունիվերսիտետի հաղթանակը նշանավորեցին կապիտալիզմի համաշխարհային սիստեմի խոր ճգնաժամի առաջին էտապը: Եվ դարձյալ մենք տեսնում ենք բուրժուական գաղափարախոսների մոտ ցայտուն կերպով արտահայտված սոցիալական պեսիմիզմի մտայնությունը, կապիտալիզմի մայրամուտի մոտիկ լինելը: Այդ մտայնությունը ամենից ցայտուն արտահայտված է Շպենգլերի՝ «Եվրոպայի մայրամուտը» երկու հատորանոց աշխատության մեջ (1920): Նա գտնում է կապիտալիզմի մոտայնուտ մայրամուտը, բայց բնորոշ է, որ այն ներկայացնում է որպես համաշխարհային քաղաքակրթության ճակատագրական կործանում: Այս ուսկցիոն «մարգարեությունը» հիմնավորելու համար նա հորինել է, այսպես կոչված, «լուկալ կուլտուրաների» շինծու տեսությունը, որն ամբողջապես ուղղված է բանվորական ունիվերսիտետն շարժման, սոցիալիզմի ու մարքսիզմի դեմ: Ըստ այդ տեսության, պատմությունը առաջընթաց դժով պարզացող պրոցես չէ, այլ տեղով ու ժամանակով սահմանափակված, մեկուսացած կուլտուրաների ծագման ու կործանման պրոցես: Այդ կուլտուրաներից յուրաքանչյուրը, օրգանական կյանքի նմանողությամբ, առաջանում է, աճում, կործանվում և քայքայվում: Այժմ, նրա ասելով, հասել է Արեմուտքի կուլտուրայի կործանման դարաշրջանը: Անցյալի կուլտուրաների մահացման վերաբերյալ իր այս բռնադրոսիկ սխեման (պատմության մեջ Շպենգլերը բնորոշում է ութ «լուկալ կուլտուրաներ») նա ավարտում է հետևյալ հավակնոտ եզրակացությամբ. «Այս է պատմության մեջ եղած բոլոր կործանումների իմաստը, որոնց թվին է պատկանում մեր առաջ ամենահատակ կերպով պատկերվող «անտիկ աշխարհի անկումը», և մենք այսօր մեր շուրջը որոշակի պզուկ ենք հենց մեզ վերաբերող և իր բնագավառում տևողությամբ առաջինի հետ նույնական իրադարձության առաջին նշանները, իրադարձություն, որը կլցնի մեր ծավալորոշուն հազարամյակի առաջին դարերը, և որը կլինի «արեմուտքի անկումը»²: Այդ կործանումը, հեղինակի կարծիքով, ճակատագրի գործությամբ կվիճակվի ամբողջ արեմուտքին: Պարզվում է, որ Շպենգլերին արդեն հայտնի է նույնիսկ այդ կործանման ճիշտ ժամկետը. դա տեղի կունենա 2000 թ. մոտերքը: Հարկ չկա մանրամասն հերքելու այս մոռյլ մարգարեությունը, այն ամեն օր հերքվում է սոցիալիզմի համաշխարհային սիստեմի հաղթական առաջադիմությամբ: Ըշմարտության հատիկը Շպենգլերի ասածների մեջ այն է, որ իր դարն ապրել է և իրոք իր մայրամուտն է ապրում կապիտալիստական սիստեմը և՛ արեմուտքում, և՛ արևելքում: Լենինը խորապես բացահայտել է շպենգլերականության սոցիա-

² Осв. Шпенглер, Закат Европы, т. 1, 1923, էջ 119.

լական խմաստը, ասելով, որ դա համաշխարհային բուրժուազիայի անկման պատմության մի էպիզոդի գաղափարական արտահայտությունն է: Միշտ այդպես է լինում. անցյալում կործանվող ստրկատիրության, հետագայում իր մայրամուտն ապրող արիստոկրատիայի գաղափարախոսներն իրենց դասակարգի անկումը միշտ էլ փորձել են ներկայացնել որպես ամբողջ մարդկության կործանում:

Եվ ահա մեր օրերում՝ երկրորդ համաշխարհային պատերազմից հետո, երբ համաշխարհային բուրժուազիայի անկումը ոչ թե մի էպիզոդ է, այլ վիթխարի մասշտաբներով կատարվող պրոցես, կրկին վերականգնվում են գիտության ու պատմության կողմից հերքված մշտնջենական վերադարձի, «լուկալ քաղաքակրթությունների» հակապրոգրեսիստական կոնցեպցիաները: Այստեղ բնմ էն դուրս գալիս բուրժուական մտքի այնպիսի ներկայացուցիչներ, ինչպիսիք են Պ. Սորոկինը, Ն. Բերդյաևը, Ա. Խոյնբին: Այստեղ կարելի է ավելացնել այդ կոնցեպցիան տարբեր ձևերով ներկայացնող նաև մի շարք այլ մտածողների, ինչպիսիք են Վ. Շուբարտը, ամերիկյան պրոֆեսորներ Էռազմը, Կ. Ռայթը, Ռ. Զայդենբերգը, գերմանական տնտեսագետ է. Վադեմանը և շատ ուրիշներ: Կանգ առնենք սրանցից մի քանիսի վրա:

Ամերիկյան պատմաբան Էռազմը պատմաբանական ասոցիացիայի սեփական (1951) ժխտելով հասարակական առաջադիմության գաղափարը, ուսուպիա հայտարարելով հասարակության կոմունիստական վերափոխության իդեալներն ու ծրագիրը, այն միտքն է պաշտպանում, թե իբր պատմությունը դնում է ցիկլերի ձևով. նրա հավաստիացման համաձայն, կապիտալիզմով ավարտվում է պատմության բարձրագույն ստադիան, և հետագայում համաշխարհային քաղաքակրթությանը սպառնում է անկում ու վերադարձ դեպի անցած էտապները: Նույն կոնցեպցիայի մի այլ վարիանտն է պրոպագանդում պրոֆեսոր Կ. Ռայթը: Նրա «Պատերազմի հետադոտություն» գրքում պատմությունը պատկերված է քաղաքակրթության ցիկլերի հետևյալ սխեմայով.

1. Հերոսական դարաշրջան:

2. Կոնֆլիկտների («հավասարակշռության խախտման», «խառը ժամանակների») դարաշրջան,

3. Հավասարակշռության վերականգնման դարաշրջան:

Այս վերջինը, ըստ հեղինակի, ոչ այլ ինչ է, քան կապիտալիզմը, որի կործանմանը հաջորդելու է ոչ թե քաղաքակրթության ավերի բարձր ստադիա, այլ անկում և վերադարձ դեպի անցյալ ցիկլերը: Նրա պատկերացմամբ, այդպիսի կրիտիկական մոմենտներին որպես թե տիրող դասակարգերը հեռանում են դեպի արվեստ, ստորադրյալ դասավարդերը՝ դեպի նոր կրոնական հավատ: Ահաջանում է նոր սոցիալական իդեալ, սկսվում է քաղաքակրթության նոր ցիկլ, շրջապատվոր կրկնվում է: Այդպիսով, հասարակությունը շարունակ պտտվում է ֆեոդալիզմի և կապիտալիզմի ներփակ շրջանակում: Այս սխեմայի մեջ տեղ են գտել ինչպես Նիցշեի, նույնպես և «լուկալ կուլտուրաների» տեսության տարրերը: Ինորոշ է, որ պատմաբան Ռայթը ոչ միայն ժխտում է առաջադիմության գաղափարը, այլև հետադարձության (ռեգրեսի) տեսությունը: Նա րնդհանրապես գտնում է, որ պատմությունը որևէ ուղղությամբ չի գնում՝ առաջընթաց կամ վարժնթաց, այլ ներկայացնում է դեպքերի, իրադարձությունների պատահական կուտակում, որտեղ որևէ օրինաչափություն գոյություն

չունի, ուրեմն և մերժվում է պատմության առաջընթաց զարգացումը գեպի կոմունիզմ:

Սոցիալական առաջադիմության հակառակորդների շրջանում գաղափարական տարրն իացությունը անպայման ամենարնորոշ երևույթներից մեկն է. հիասթափվելով մի մտացածին կոնցեպցիայից, նրանք այն գեն են նետում և դիմում մի այլ, նման կոնցեպցիայի: Ամերիկանացած գերմանացի Ռոզերիկ Ջաչգեմբերգը հանդես է եկել համաշխարհային պատմության իր փրկսոփայությանը, տալով իր գրքին մի «օրիգինալ» վերնագիր՝ «Հետպատմական մարդը»: Ինչից է սկսել մարդկությունը իր պատմական ճանապարհը, ի՞նչ է տալենք է անցել, ի՞նչ է նրան սպասում ապագայում—ահա թե ինչ հարցերի է հեղինակը փորձում պատասխանել: Ըստ նրա տեսության, որտեղ հավակնություն կա որոշելու անցյալի, ներկայի և ապագայի կապը, մարդկային հասարակությունը իր զարգացման մեջ անցել է երեք դարաշրջան.

1) նախապատմական դարաշրջան. այստեղ մարդկանց գործունեությունը և սոցիալական կապերը պայմանավորված են եղել նրանց բնազդներով:

2) անցման դարաշրջան, այսինքն՝ բուն պատմական դարաշրջան. սրա համար բնորոշ են կոնֆլիկտներն ու գինամիկ փոփոխությունները: Այս սոցիոլոգը, գլխի վրա շուտ տալով պատմության իրական պրոցեսը, այդ կոնֆլիկտներն ու փոփոխությունները կապում է գիտակցության հետ, այսինքն՝ գիտակցության և բնազդի միջև տեղի ունեցող պայքարի հետ:

3) Հետպատմական դարաշրջան, որի մասին հեղինակը մի շարք անհիմն մտացածին չիտթեզներ ու գուշակություններ է անում: Այստեղ, մի կողմից, ասում է նա, պետք է իշխեն բանականությունը, գիտությունը, իսկ մյուս կողմից՝ իր սեփական հակասությունների հետևանքով այստեղ պետք է տեղի ունենա վերադարձ գեպի առաջին ստադիան, շրջապտույտը պիտի կրկնվի: Հավիտենական վերադարձ գեպի անցյալը և ոչ թե հասարակական առաջադիմություն—ահա այդ կոնցեպցիայի իմաստը: Եվ հեղինակն ավարտում է իր երկրային եզրակացությամբ, թե քաղաքակրթությունը կործանումից փրկելու համար չպետք է ձեռք տալ կապիտալիստական հասարակարգին, այլ պետք է դանդաղեցնել քաղաքակրթությունը, արտադրողական ուժերի զարգացումը: Իսկ այդ պարզվում է, որ ամբողջ շարժի մղվելը մեքենաներն են, գիտությունը, տեխնիկան: Այս մտայնությունը շատ բնորոշ է իմպերիալիզմի մայրամուտի զաղափարախոսներին. նրանցից շատ շատերը բացահայտորեն դուրս են գալիս գիտության ու տեխնիկայի դեմ:

Ահա վերոհիշյալ կոնցեպցիայի մի վարիանտ ևս: Գերմանական տնտեսագետ Էռնեստ Կադեմանը նույնպես մարդկության ապագայի մասին գեղատոմս տալու հավակնություն ունի: Նա իր գիրքը աչդպես էլ վերնագրել է՝ «Աշխարհի ապագան»: Պատասխանելու համար այն հարցին, թե ով պետք է իշխի ապագայում աշխարհի վրա (այսպես է կոչվում գրքի ենթավերնագիրը), նա փորձում է պատկերել մարդկության պատմական շարժման հիմնական փուլերը և կանխատեսել նրա ապագա զարգացման ուղղությունը: Հասկանալի է, որ դա արվում է բուրժուական աշխարհայացքի դիրքերից: Կադեմանի սխեմայի համաձայն, յուրաքանչյուր հասարակություն պարզանում է ալիքաձև վերելքի ալիքին հաջորդում է ճգնաժամի ալիքը, սրան՝ գեպրեսիայի ալիքը. այնուհետև գալիս է նոր աշխուժացում, վերելք և նորից ճգնաժամ: Ակնհայտորեն պարզ է, որ հեղինակը կապիտալիստական էկոնոմիկայի ցիկլային

ընդունվող դարձրել է համընդհանուր պատմական պրոցեսի սխեմա: Բացի հիմնական փուլերից, նա փորձում է պատկերել հասարակական կյանքի տարբեր ոլորտների զարգացումը, վճռական նշանակություն տալով ազգաբնակչության խտությունը և տեխնիկային: Նկատենք, որ նրա զրվածքում էկլեկտիկորեն միահյուսվում են մի կողմից՝ առանձին հասարակական երևույթների ռեալիստական բմբռնումը, մյուս կողմից՝ հակակոմունիստական շփոթ դատողությունները: Նա բավական լրջամիտ առարկություններ է անում մալթուսականությանը, արդարացիորեն պնդելով, թե մեր մոլորակը ներկայումս ընդունակ է ապահովելու չորս անգամ ավելի շատ բնակչության կյանքը, քան այժմ նրա վրա ապրում է. մյուս կողմից էլ պատմության ընդհանուր ընթացքը որոշելիս նա գլխավոր գործոն է համարում գեոմորֆական ֆակտորը, այսինքն՝ բնակչության աճը: Այնուհետև նա մի շարք շինծու դատողություններ է անում սոցիալիզմի դանազան տիպերի մասին³:

Կարիք չկա մանրամասնորեն քննարկել շրջապատության կոնցեպցիայի մյուս վարիանտները: Իրանց մեջ շատ ընդհանուր բան կա: Հիմնականն այն է, որ փորձ է արվում պատմությունը ներկայացնել որպես միակերպ ցիկլային պրոցես, բացարձակ ինդիվիդուալ, անկրկնելի քաղաքակրթություններով: Բերենք մի նմուշ հս. Անգլիական պատմարան և սոցիոլոգ Ստենլի Քեսոնը իր «Առաջադիմություն և կատաստրոֆա» գրքում յուրաքանչյուր հասարակություն ներկայացնում է որպես մի ինդիվիդուալ քաղաքակրթության տիպ, «էքսպերիմենտալ քաղաքակրթությունների լարդրատորիա»⁴: Այդպիսին էր, նրա սխեմայի համաձայն, Հին նեոլիտոսի կուլտուրան արիստոկրատիայի գլխավորությամբ, հեթիթների կուլտուրան Փոքր Ասիայում, հին Կրետեի քաղաքակրթությունը: Ընդ որում, այդ կուլտուրաների ծագման և կործանման պատճառը Քեսոնը համարում է աշխարհագրական ֆակտորը, բնական պայմանները: Պատմության մասին նույն ոգով է դատողություններ անում նաև անգլիական սոցիոլոգ Գուչը: Բելգիական պատմարան ժակ Պիոներ քննարկելով Հին Արևելքի պատմությունը, այն խցկում է ֆեոդալական ու բուրժուական հասարակություններից փոխառած կատեգորիաների շրջանակը: Համաշխարհային պատմությունը նրա աշխատության մեջ ներկայացվում է իբրև կրկնությունների պրոցես՝ շահագործողական հասարակության շրջանակում: Պատմությունը որպես ինդիվիդուալ քաղաքակրթությունների գումար է պատկերում նաև Ֆրանսիական հայտնի պատմարան Մ. Կրուզեն: «Քաղաքակրթությունների ընդհանուր պատմություն» իր խմբագրությամբ լույս տեսնող աշխատության առաջաբանում նա զարգացնում է հետևյալ դրույթը. քաղաքակրթություններից յուրաքանչյուրը այնքան անհատական ու անկրկնելի է, որ ոչ մի հիմք չի տալիս համեմատելու տարրեր քաղաքակրթությունները և նրանց միջև հաստատելու որևէ ընդհանուր օրինաչափություն: Հետևաբար, այստեղ ևս հասարակության զարգացման մեջ որևէ օրինաչափության առկայության միտումը ծառայեցվում է ընդհանրապես հասարակական առաջադիմության և կոմունիզմի գաղափարը մերժելուն:

Անկասկած, հասարակության շրջապատության կոնցեպցիայի, «լուկալ քաղաքակրթությունների» տեսության ամենաճանաչված հեղինակությունը բուր-

³ St. E. Wagemann, Welt von Morgen, Düsseldorf, 1953, էջ 147 և այլ:

⁴ St. Casson, Progress and Catastrophe, 1937, էջ 114:

⁵ St. Ж. Пиррен, Всемирная история, 1941, էջ 9:

ժողովական աշխարհում համարվում է անդլիական պատմության և սոցիալադեմոկրատիկ Ռոյներին: Ուստի և մի կողմ թողնելով այդ կոնցեպցիայի շատ այլ ներկայացուցիչների հայացքների քննարկումը, մենք մի քիչ հանգամանորեն կժանրանանք Ռոյների պատմափիլիսոփայության վրա:

Միջազգային սոցիոլոգիական III կոնգրեսում (1956 թ., Ամստերդամ) քուրժուական սոցիոլոգները կրկնում էին այն միտքը, թե ներկայումս պատմության ցիկլային զարգացման տեսության երեք խոշոր ներկայացուցիչներն են՝ Օպենդեյեր, Սորոկին, Ռոյներ: Ռոյներին հայտարարված է մեր ժամանակների մեծագույն պատմաբանը, իբր թե պատմագիտության նոր ըմբռնման հիմնադիրը: Նրան համեմատում են Կոպեռնիկոսի, Գալիլեյի, Դարվինի հետ: Ա. Ռոյների «Պատմության հետազոտություն» բազմահատոր աշխատությունը՝ համարվում է համաշխարհային պատմության ունիվերսալ սինթեզ, պատմագիտության բարձրագույն նվաճում: Պատմական նյութով և շոշափված պրոբլեմներով խաչտարդետ այս աշխատությունը, Ռոյների քննադատներից մեկի արտահայտությամբ, համաշխարհային պատմության հիմնական պրոցեսներին մի փիլիսոփայական սինթեզ է: Մկեների համար կատվից ուժեղ դազան չկա: Ռոյներից զորեղ պատմաբան չկա: Մինչդեռ նրա աշխատությունը հիմնված է ամբողջապես իդեալիստական, ավելին՝ թեոլոգիական աշխարհայացքի վրա և տոգորված է ունակցիոն քաղաքական եզրակացություններով: Ինչպես ցույց են տալիս պրոգրեսիվ պատմաբաններն ու փիլիսոփաները, Ռոյների ռիստեմում չկա ոչ իրական պատմական պրոցեսի քաղաքակրթության պատմության դիտական, օբյեկտիվ անալիզը, ոչ էլ անցյալի, ներկայի ու ապագայի ճշմարտացի պատկերը: Առանձին ուղիով մտքեր և մի շարք փաստական տվյալներ այստեղ շաղախված են արհեստական կառուցումների ու կեղծ եզրակացությունների հետ: Հեղինակի իշխմանը մարքսիզմ-լենինիզմի և սոցիալիզմի հանդեպ հանդեգրել են այն բանին, որ նրա բազմահատոր աշխատությունը և բազմաթիվ հոդվածները ավարտվում են եզրակացություններով, որոնք ուղղված են հասարակության առաջադիմական զարգացման դեմ և տոգորված են ամբողջ մարդկային քաղաքակրթության կործանման վերաբերյալ մոռյալ դուշակություններով:

Ա. Ռոյների «Գոկալ քաղաքակրթությունների» տեսությունը հիմնականում հանդում է հետևյալ մտքին: Կարծես թե շարունակելով Շպենդելերի դասոլոգությունների թելը՝ բայց ավելի բնդարձակ, նա փորձում է ամբողջ մարդկային պատմությունը ներկայացնել մեկուսացած, ներփակ քաղաքակրթությունների հաջորդափոխման ձևով, որոնց հիմքը կազմում են բրիստոնեսության զազափարները և որոնք ունեն ծագման ու կործանման հիմնական փուլերի նմանություն: Իմպերիալիզմի մյուս փիլիսոփաների նման նա մարդարևություններ է անում քաղաքակրթության կործանմանն սպառնացող վտանգի մասին: Իրեն ներկայացնելով որպես Կոպեռնիկոս՝ պատմության մեջ, Ռոյներին քննադատության է ենթարկում, այսպես կոչված, «եփրոպոցենտրիզմը» և գտնում է, որ դրա հիման վրա կառուցված հին պատմագրությունը ճիշտ չի եղել, որովհետև, ըստ այդ պատմագրության, համաշխարհային քաղաքակրթության միակ կենտրոնը և գլխավոր առանցքը Արևմտյան եվրոպան է, որից կենտրոններ

⁶ Այժմ լույս է տեսել զրա XII հատորը, որտեղ Ռոյներին տառապիտանում է իր բնագաաններն:

մերժվել են: Ըստ Թոյնբիի, պատմությունը մի կապակցված առաջընթաց պրոցես չէ, այլ մեկուսացած քաղաքակրթությունների հավաքածու, որոնք կարծես թե զուգահեռաբար ծագում, աճում, քայքայվում և կործանվում են: Յուրաքանչյուր քաղաքակրթություն կրկնում է նույն փուլերը: Այսպիսով, պատմության մեջ կապակցող թել չկա, կան զուգահեռ կուլտուրաներ: «Ի՞նչ եմ ես փորձել անել» հոգվածում Թոյնբիին պատկերավոր կերպով այսպես է ձևակերպել իր հիմնական գրույթներից մեկը. «Մեր նոր դիտության լույսի տակ մենք ստիպված ենք դեն նետել այդ սխեման («եվրոպոցենտրիզմը» — Շ. Ա.), ինչպես մեր նախորդները դեն են նետել Բոսսյուէտի սխեման... Մեզ հայտնի քաղաքակրթությունների պատմությունները չեն կարող համարվել մի շարք, որը վերընթաց կերպով տաներ դեպի ներկայումս գոյություն ունեցող քաղաքակրթություններից մեկը կամ այժմ գոյություն ունեցող ազգություններից մեկը: Այդ սխեմայի փոխարեն, որը պատմությունը ներկայացնում է մեկ ծառերի ձևով, մենք պետք է մեզ համար կառուցենք մի սխեմա, որը ներկայացնում է մի ծառ, որի վրա քաղաքակրթությունները ծագում են ճյուղերի նման կողք-կողքի»⁷:

Եվ այսպես, պատմությունը միասնական պրոցես չէ, որը ընթանար առաջադիմության ընդհանուր օրինաչափությամբ: Այն ներկայացնում է բարձրացող և կործանվող կուլտուրաների կղզյակներ. այդպիսի կուլտուրաներ կամ քաղաքակրթություններ Թոյնբիին հաշվում է երկու տասնյակից ավելի: Եղել են կուլտուրաներ, որոնք դեռ չզարգացած կործանվել են (Թոյնբիին դրանք համարում է արորտիվ կուլտուրաներ): Եղել են կուլտուրաներ, որոնք իրենց շարժումով և կործանվել են: Երանք բոլորն էլ ինքնամիտի են. նրանց մեջ ընդհանուր է եղել միայն այն, որ բիոլոգիական էակների նման նրանք ծագել, աճել, քայքայվել ու կործանվել են: Բայց այդ արտաքին նմանությամբ և որոշ արտաքին փոխազդեցությամբ էլ նրանց ընդհանրությունը սպառնում է: Մի քաղաքակրթություն հաղորդակից չէ մյուս քաղաքակրթությանը. ժողովուրդների պատմության օրենքների ընդհանրությունը ժխտվում է: Փորձելով բմբռնել պատմության, քաղաքակրթության կամ կուլտուրայի շարժիչ ուժերը, Թոյնբիին ինչպես իր ամբողջ սխեմայում, այնպես էլ պատմության շարժիչ ուժերի հարցում կրկնում է հին, ռեակցիոն արիստոկրատական ու բուրժուական թեզը. ըստ որի պատմության մեջ գործում են երկու ուժեր՝ «ստեղծագործական փոքրամասնություն» և պասսիվ կերպով նրանց ենթարկվող ժողովրդական մասաներ, որոնց համար ստեղծագործությունը բնորոշ չէ: Այդ փոխադասության համաձայն, քաղաքակրթության առաջադիմությունը ապահովվում է այն ժամանակ միայն, քանի դեռ սոցիալական ներդաշնակություն կա «ստեղծագործող փոքրամասնության» և «անստեղծագործ մեծամասնության» միջև, երբ ժողովուրդը անտրտունջ հանդուրժում է տիրող դասակարգի իշխանությունը: Սակայն այդ երկար չի տևում. շուտով հավասարակշռությունը խախտվում է, ներդաշնակությունը ճեղքեր է տալիս և «ստեղծագործող փոքրամասնությունը» անզոր է դառնում մասսային ենթարկելու իրեն: Մասսան ըմբոստանում է նրա դեմ, նա դիմում է բռնության, ծագում են ռեպրեսիաներ, պատերազմներ, դասակարգային պայքար: Սոցիալական ճգնաժամ է ստեղծվում, վրա է հասնում քաղաքակրթության քայքայումն ու անկումը: Մի քաղաքակրթության անկումը

⁷ A. Toynbee, Was ich zu tun versuche?, „Diogenes“, № 13, 1956, էջ 12:

նշանակում է ցիկլի վերջ և նոր շրջապտույտի սկիզբ, այսինքն՝ վերադարձ դեպի ելակետը: Քանի որ յուրաքանչյուր քաղաքակրթություն իր բոլոր տարրերով անկրկնելի, խիստ անհատական երևույթ է, ուստի տարբեր քաղաքակրթությունների փոխադարձ ազդեցությունը, ըստ էության, բացառվում է: Հետևաբար պատմական պրոցեսի կապն ու հաջորդականությունը, այսինքն՝ հասարակության առաջադիմական զարգացման պրոցեսը մի կողմ է նետվում:

Բո սխեմայի թեյադրանքով Թոյնբին իր պատմափիլիսոփայությունն ամփոփում է այն եզրակացությամբ, թե ժամանակակից կապիտալիզմով ավարտվում է մարդկային պատմության վերջին շրջապտույտը և մարդարևություններ է անում ժամանակակից քաղաքակրթության կործանման վերահաս փտանդի մասին: Շրջապտույտն ապրում է իր քայքայման նախօրյակը. «պասսիվ» մասսաները, պրոլետարիատը, այլևս չի խոնարհվում տիրող «էլիտայի», ստեղծագործ փոքրամասնության առաջ. խախտված են նախկին ներդաշնակ հարաբերությունները. բոնությունը, պատերազմները, ուղղությունները խարխլում են քաղաքակրթության հիմքերը, նախապատրաստելով կործանում և վերադարձ դեպի ցիկլի ելակետը: Գոմունիզմի և առաջադիմության այլ հակառակորդների նման Թոյնբին ուղղության համարում է քաոսի և կործանման գործոն, որը անընդունակ է հասարակությունը դուրս բերելու ճգնաժամային վիճակից: Այսպիսով, Թոյնբին, մի շարք սոցիոլոգների բնութագրմամբ, հանդես է գալիս որպես հետպատերազմյան Շպենգլեր: Ասենք, անգլիական պատմաբանը, զգալով կապիտալիզմի անխուսափելի մայրամուտը և այն ներկայացնելով որպես ամբողջ մարդկության կուլտուրայի կործանում, այնուամենայնիվ ելք է որոնում: Նա բարեհոգությամբ դեղատոմս է տալիս, թե ինչպես պետք է խուսափել կատաստրոֆիկ կործանումից: Այդ ելքը նա որոնում է կրոնի, քրիստոնեության համայնապարփակ տիրապետություն, իսկ քաղաքական տեսակետից՝ արևմտյան իմպերիալիստների համաշխարհային տիրապետություն հաստատելու մեջ՝ ամերիկյան մոնոպոլիստների գլխավորությամբ: Նրա դատողությունն այս է. ժամանակակից քաղաքակրթությունը բաժանվում է հինգ տիպերի, այն է՝ արևմտա-քրիստոնեական, արևելա-քրիստոնեական (այստեղ նա մտցնում է նաև Սովետական Միությունը), հեռավոր արևելյան (Չինաստան, Կուրևա, Ճապոնիա), հնդկական և իսլամական քաղաքակրթություններ: Երանից դուրս է գալիս, որ այդ քաղաքակրթություններից կենսունակ է միայն արևմտյան քաղաքակրթությունը, այսինքն՝ ամերիկա-եվրոպական իմպերիալիզմը. իսկ մյուսները ապագա չունեն և քայքայվելու են: Արևմտյան քաղաքակրթությունը կարող է խուսափել կործանումից, եթե ամբողջ աշխարհում տարածվի քրիստոնեական կրոնը, ստեղծվի ունիվերսալ եկեղեցի և ԱՄՆ-ի գլխավորությամբ՝ համաշխարհային կայսրություն: Այս թեզը հիմնավորելու համար Թոյնբին հորինում է մի շինծու սխեմա, ըստ որի պատմական անցյալում Արևմուտքն է ագրեսիվ քաղաքականություն վարել Արևելքի նկատմամբ, որպեսզի ապացուցի, թե այժմ Արևելքից է սպասվում ագրեսիայի փտանդը (արևելք ասելով նա գլխավորապես նկատի ունի Սովետական Միությունը և Չինաստանը): Նրա հիմնական քաղաքական եզրակացությունն այն է, որ արևմտյան իմպերիալիստները պետք է համախմբվեն սոցիալիզմի դեմ՝ քաղաքակրթությունը կործանումից պաշտպանելու համար:

Այս է համառոտակի Առնոլդ Թոյնբիի պատմափիլիսոփայության հիմնական բովանդակությունը, այսպես ասած, սյուժետային գիծը:

Թոյնբիի կոնցեպցիայի մի շարք արատները նշվել են արդեն բուրժուական սոցիոլոգների կողմից, որոնց չի կարելի մեղադրել կոմունիզմի նկատմամբ ունեցած համակրանքի մեջ և որոնք բնդհանուր աշխարհայացքային և քաղաքական հարցերում հիմնականում կանգնած են նույն դիրքերում, ինչ Թոյնբիին: Ահագին քննադատական գրականություն է ստեղծվել: Այնտեղ նշվում է, օրինակ, որ «Պատմության հետազոտության» հեղինակը տեղյակ չէ քաղաքակրթության պատմության շատ փաստերին կամ աղավաղում է այդ փաստերը՝ հարմարեցնելով իր սխեմային, և անում է ևզրակացություններ, որոնք զրանցից չեն բխում: Քննադատները մատնանշում են, որ հրաժարվելով «եվրոպոցենտրիզմից», Թոյնբին ընկել է հակառակ ծայրահեղության մեջ՝ քաղաքակրթությունները քննելով մեկուսացած, կղզիացած, իրենց փոխադարձ տզղեցությունից զուրա, որպես զուգահեռ գծեր: Նշվում է Թոյնբիի հայացքների իռացիոնալիստական բնույթը, սոցիալական հոռետեսությունը: Պետք է ասել, որ մի շարք բուրժուական լրջամիտ սոցիոլոգներ ակամա ցույց են տվել շրջապատության կոնցեպցիայի արատները: Խհարկե, բուրժուական մտածողները չէին կարող վեր հանել այդ կոնցեպցիայի դասակարգային էությունը և հասարակական ոեակցիոն դերը: Ոմանք նշում են, որ Թոյնբիի բազմահատորանոց աշխատությունը խոշոր գիտական արժեք չի ներկայացնում:

Պետք է ասել, որ Թոյնբիի սխտեմը քննադատության է ենթարկվում ամենատարբեր դիրքերից: Բացի ոեալիստ մտածողներից, խիստ քննադատությամբ հանդես են եկել նաե ծայրահեղ ոեակցիոններնր: Դրա օրինակն է ամերիկյան էաթոլիկ պատմաբան Դուգլաս Ջերոլդի բրոշյուրը, որը վերնագրված է՝ «Սուտը Արեմուտքի մասին» (Նյու-Յորք, 1955): Պարզվում է, որ Թոյնբիի հակապոպուլսիստական, հակակոմունիստական մտորումները չեն բավարարում ամերիկյան պատմաբանին, նրան թվում են չափազանց լիբերալ, մեղմ: Եվ մարտնչող կաթոլիկը հարձակվում է անզլիական պատմաբանի վրա պամֆլետային տիպի մի բրոշյուրով: Թոյնբիին անվանելով մեր ժամանակների Շպենգլեր, Ջերոլդը գտնում է, որ նրա գուշակությունները՝ մոտ ապագայում արեմտյան բուրժուական քաղաքակրթությանը կործանում սպառնացող վտանգի մասին, փիլիսոփայական կապիտուլյացիա է կոմունիզմի հանդեպ, արեմտյան քաղաքակրթության վարկաբեկում, շպենգլերյան «եվրոպայի մայրամուտի» ոեցիդիվ: Դուգլասն իր հերթին կեղծելով պատմությունը, ամեն կերպ ջատագովում է իմպերիալիզմն ու նրա կոլտուրան:

Պատմության շրջապատության կոնցեպցիաները խոր և սպառիչ քննադատության են ենթարկվել առաջավոր մարքսիստ փիլիսոփաների, պատմաբանների և սոցիոլոգների կողմից: Առանձնապես պետք է նշել սովետական մի շարք հեղինակների քննադատական աշխատությունները, որոնք հարուստ փաստական նյութի հիման վրա համոզեցուցիչ կերպով բացահայտել են ցիլային կառուցումների իդեալիստական, սպեկուլյատիվ բնույթը, վեր հանել դրանց ոեակցիոն էությունը որպես իմպերիալիզմի գաղափարական ղենքի: Մարքսիստները ցույց տվեցին, որ ձևականորեն առարկելով «եվրոպոցենտրիստական» պատմաբանությանը, Թոյնբին փաստորեն հանդես է գալիս նույն արեմտյան իմպերիալիզմի ջատագովի դերում՝ մի այլ ձևով: Մարքսիզմը հիմնավորեց այն թեզը, որ քաղաքակրթության պատմությունը, և ամբողջ պատմությունը, մեկուսացած կղզիների հավաքածու չէ, այլ ծագող և հաջորդարար զարգացող առաջադիմական պրոցես: Պատմագիտությունը, հնագիտությունը

ազգադրությունը, մշակույթի պատմությունը աներկրա կերպով ապացուցում են, որ հակառակ «լուկալ կուլտուրաների» կոնցեպցիայի, ոչ մի քաղաքակրթություն չի ծագում և զարգանում բացարձակ մեկուսացած վիճակով: Մոյսրիի քննադատներից մեկը՝ Հայնե-Հելգերնը ապացուցում է, որ հենց հին աշխարհի, այդ թվում հին Ամերիկայի քաղաքակրթություններից ոչ մեկը չի ծագել առանձնակի: Դիտության, տեխնիկայի, արվեստի, արհեստի, հողի մշակման, նավաշինության, մի խոսքով ամբողջ մշակույթի պատմությունը լիովին հաստատում է այդ գրությունը: Հին արևելյան մշակույթի շատ տարրեր ինչպես նյութական, այնպես էլ հոգեոր, այս կամ այն ձևով մտել են անտիկ, իսկ դրա միջոցով՝ նոր ժամանակների մշակույթի մեջ: Ամփոփելով իր ժամանակվա մշակույթի պատմության փաստերը և բնութագրելով Նվրոպայի քաղաքակրթության առաջադիմությունը միջնադարի վերջում, Ֆր. Էնգելսը նշում է մի շարք տեխնիկական հայտնագործություններ, որոնցից շատերը ներմուծված են Արևելքից, ինչպես, օրինակ՝ վառուղի, հանրահաշիվը, պերգամենտը, մագնիսային ասեղը, հողի մշակման շատ եղանակներ, եգիպտացորենն ու կարտոֆիլը, շերամարուծությունը և շատ ուրիշ հայտնագործություններ, որոնք եվրոպա են մտել Չինաստանից, Հնդկաստանից, Միջին Ասիայից, Անդրդով-կասից, արևմտյան քաղաքակրթությանը հաղորդելով զարգացման նոր թափ և արագ տեմպեր: Շնորհիվ այդ հաջորդականության (преемственность) և առաջ մղվելով հասարակության պահանջներով ու շահերով և աշխատավորների փորձով, քաղաքակրթության պատմությունը շարունակ աճում ու հարստանում է, զնալով ցածրից դեպի բարձրը և ավելի ու ավելի բարդանալով: Հասարակության ամբողջ պատմության, քաղաքակրթության այդ վերընթաց զարգացումն էլ հենց կազմում է հասարակության առաջադիմության օրյեկտիվ օրենքը: Կոմունիզմը հասարակական այդ պրոգրեսի նոր և բարձրագույն ձևն է:

Սակայն, հանուն լիակատար ճշմարտության, անհրաժեշտ է ընդգծել հասարակության առաջադիմության օրենքի դրսևորման մի շատ կարևոր առանձնահատկություն, առանց որի պատմությունը կարող է աղավաղվել, միակողմանի ու գոհակացված նեղկայացվել:

Այդ առանձնահատկությունն այն է, որ ընդունելով կուլտուրական արժեքների հաջորդականության, փոխանցման դերը պատմության մեջ, մենք միևնույն ժամանակ չպիտի մոռանանք, որ առաջադիմությունը բոլորովին էլ ուղիղ երկրաչափական գիծ չէ: Համաշխարհային պատմությունը միասնական օրինաչափությունների պրոցես լինելով, միաժամանակ խիստ հակասական պրոցես է: Պատմությունը, սովորեցնում էր Լենինը, շատ ավելի հարուստ է բովանդակությամբ, ավելի խորամանկ, բազմաձև, խճճված, քան կարելի է պատկերել զանազան տեսական սխեմաներում, սխեմաներում, ծրագրերում: Առաջադիմությունը (պրոգրեսը), անշուշտ, հասարակության զարգացման օրենքն է, սակայն, այդ ընդհանուր օրենքը տարբեր դարաշրջաններում, տարբեր էտապներում, տարբեր ժողովուրդների մոտ շատ զիգզագներ ու խոտորումներ է դրսևորում, լրացնելով ու բարդացնելով ընդհանուր պրոցեսը: Հատկապես հակասական ու հաճախ այլանդակ ձևով է դրսևորվում հասարակական պրոգրեսը անտադոնիստական, շահագործողական հասարակական ֆորմացիաներում: Կապիտալիզմի նկատմամբ այս բանը ցույց է տրված սպառիչ կերպով: Այստեղ հասարակական կյանքի մի ոլորտի առաջադիմությունը հաճախ զուգորդվել է մյուս ոլորտների մեջ տեղի ունեցող հետադարձ շար-

ժումների, նույնիսկ առանձին կուլտուրաների կործանման հետ: Հայտնի է, որ, օրինակ, տեխնիկայի ու գիտության բարձր զարգացման հետ միասին կապիտալիզմը կործանել է շատ ժողովուրդներ, ավերել նրանց կուլտուրան, ստեղծել գաղութային ժողովուրդների համար աղքատության, սովի ու խաղաղի վիճակ:

Իրենց պնդումների մեջ «լուկալ կուլտուրաների» տեսության հեղինակները ուղղակի անհեթեթության մեջ են ընկնում, դեկլարելով, այսպես կոչված, անալոգիայի մեթոդով: Դրանց սխեմաների համաձայն անալոգներ են դուրս գալիս ժամանակակից աշխարհը և հունա-հռոմեական աշխարհը, փարավոնների ժամանակների Եգիպտոսը և Սովետական Միությունը, կամ Սովետական Միությունը և Սելեկյանների կայսրությունը, և նրանք ժամանակակից է դուրս գալիս հին աշխարհի կայսրերին և այլն, և այլն: Այսպիսով, իրար են խառնում տարբեր հասարակություններ, քաղաքակրթություններ, տարբեր տիպի հարաբերություններ:

Արեւմտյան իմպերիալիստների միությունն ստեղծելու կոչ անելով ընդգեմարենկյան ժողովուրդների, Թոյնբին վերածնում է հին գաղութարարական գաղափարախոսությունը Արեւմտքի և Արեւելքի իբր թե հալիտենական թշնամության մասին: Իր «Դասախոսություններում» Թոյնբին արեւմտյան քաղաքակրթությունը կոմունիզմից պաշտպանելու քողի տակ փորձում է արդարացնել իմպերիալիստների ագրեսիվ բռնկները: Նա առաջ է քաշում բուրժուական սովորական սուտը սոցիալիզմի դեմ, որը, իբր թե, քայքայիչ սխտեմ է: Այժմ կոմունիստական քաղաքակրթության ծավալուն ստեղծման մեր դարաշրջանում, քաղաքակրթություն, որը ներկայացնում է սոցիալական պրոգրեսի բարձրագույն ձևը, հանդիսանալով առաջավոր մարդկության դարավոր երազանքի իրագործումը, բուրժուական սուտը կոմունիզմի վերաբերյալ հատկապես ծիծաղելի է: Իմպերիալիզմի գաղափարախոսները զրպարտում են ոչ միայն սոցիալիզմը, այլև իրենց ազատագրության համար պայքարող բոլոր ժողովուրդներին, Ասիայի, Աֆրիկայի, Լատինական Ամերիկայի սոցիալական ու ազգային ռեյոլյուցիոն շարժումը: Նրանք այդ անում են զանազան ձևերով. մերթիկալիտ, ցինիկ ձևով, բացահայտ ռասիստական, մերթի քողարկված, փոխելով արտաքին զգեստը: Թոյնբին գիմում է այս երկրորդ եղանակին: Մերթնդմերթ նա կոկետություն է անում գաղութային ժողովուրդների ազատագրական շարժման հանդեպ, ընդունում է դրա դրական նշանակությունը որոշ պայմաններում, որպեսզի իսկույն եկի վարկարեկի այդ շարժումները, վտանգավոր հայտարարի շրանք արեւմտյան քաղաքակրթության համար, նույնիսկ անվանի այդ շարժումը ագրեսիվ, որն իբր թե խանգարում է միասնական համաշխարհային տնտեսություն ստեղծելու գործին: Բուրժուական պատմաբանի և նրա հետևողների այս ռեակցիոն բարբառանքը լիովին համապատասխանում է ամերիկյան, անգլիական, ֆրանսիական, արեւմտ-գերմանական, բելգիական, պորտուգալական գաղութարարների շահերին: Սրանք շարունակ պնդում են, թե Աֆրիկայի, Ասիայի, Լատինական Ամերիկայի ժողովուրդները չեն հասունացել ինքնուրույն պետականություն կազմելու համար և կարիք ունեն, որպեսզի իրենց ղեկավարեն, քաղաքակրթություն սովորեցնեն իմպերիալիստական զավթիչները:

Այսպիսով, հասարակական շրջապտույտի, «լուկալ կուլտուրաների» կոնցիպիան չի մնում աբստրակտ տեսության շրջանակներում. այն թափանցում է անմիջական քաղաքական ոլորտը, հանդիսանալով գաղափարական զենք

իմպերիալիստական պետությունների ազդեցիկ քաղաքականությունն արդարացնելու և սրբազործելու համար: Այդ կոնցեպցիաների վրա մշակվում են իմպերիալիստական պետությունների շահերից բխող ծրագրեր, պլաններ, քաղաքականություն: Այդ բոլորն ուղղված են հասարակական առաջադիմության, դեմոկրատիայի, սոցիալիզմի դեմ: Թոյնրին, օրինակ, իր ամբողջ պատմափիլիսոփայությունը այնպես է կառուցել, որ հիմնավորի ամերիկյան ու անգլիական իմպերիալիստների միլիտարիստական ու էքսպանսիոնիստական քաղաքականությունը: Նա փորձում է իր բնթերցողներին այն քաղաքական եզրակացություններ հանգեցնել, թե համաշխարհային տիրապետությունը պետք է պատկանի ԱՄՆ-ին: Նրա համար հատկապես առևելի է ժողովուրդների ազդային սուվերենիտետը: Իմպերիալիզմի շատ գործիչներ, սոցիոլոգներ և քաղաքականներ այդ սխտեմի համաշխարհային տիրապետությունը հաստատելու անհրաժեշտությունը հիմնավորում են Թոյնրիի պատմափիլիսոփայությամբ: Մեր ժամանակներում, երբ պատմության բնթագրի որոշող գործոնը դառնում է սոցիալիզմի համաշխարհային սխտեմը, անզուսպ կերպով փրկվում է իմպերիալիզմի դադուկային սխտեմը, բնթ որում բուրժուազիան անզոր է դառնում դիմադրելու այդ պրեցեսներին, իսկ մյուս կողմից սոցիալիզմի լազերը իրագործում է տարրեր սոցիալական սխտեմների դոյակցության քաղաքականությունը: Այսպիսի պայմաններում Թոյնրիի և մյուսների դատողությունները լուկալ, անհատ ու մեկուսացած քաղաքակրթությունների, ազդային սուվերենության անընդունելիության, համաշխարհային պատերազմի անխուսափելիության վերաբերյալ դրսևորում են իրենց խոր հակաժողովրդականությունը, թշնամանքը աշխարհի բոլոր ժողովուրդների, սոցիալական առաջադիմության նկատմամբ:

Այս է հասարակական առաջադիմության հակառակորդների պատմափիլիսոփայության սոցիալ-քաղաքական իմաստը: Մեր համառոտ ակնարկից երևում է, որ Թոյնրիի և առհասարակ հասարակության շրջապատալին կոնցեպցիաների տեսական արժեքը և քաղաքական եզրակացությունները հավասարապես հակասում են և՛ դիտական պատմաբանությանը, և՛ սոցիալական պրոգրեսին: Պատմության իրի թե նոր, ամբողջական բմբոնման հավակնություն ունենալով, Թոյնրին հրամցնում է բնթերցողին այնպիսի մի խառնաշփոթություն, բստ որի պատմության մեջ չկա ոչ հաջերդականություն, ոչ բնդհանրություն, ոչ պրոգրեսիվ դարդացման րենթ, և վերջացնում է իմպերիալիզմի ցատադովությամբ: Շատ ցայտուն է բնութագրել Թոյնրիի կոնցեպցիայի էությունը սովետական հանգուցյալ պատմաբան Ե. Կոսմինսկին. «Թոյնրիի օպուսը պատմություն չէ, դիտություն չէ, այլ աստվածաբանական-մետաֆիզիկական ֆանտազիա երկրադնդի մարդկության ճակատադրի շուրջը, ֆանտազիա, որը ծանրաբեռնված է անհավանական քանակի անուններով, անվանումներով, տարեթվերով, ցիտատներով, լրացումներով, ծանոթագրություններով, էքսկուրսներով, շտուգված փաստերով, անհիմն հիպոթեզներով, պատմական անեկդոտներով, միստիկական տեսիլքներով, մոդեռնիստական բառերով. ֆանտազիա, որը տեղ-տեղ հետաքրքրաշարժ է, բայց դիտության տեսակետից միանգամայն անպտուղ»:

8 Է. А. Косминский, Историческая Арнольда Тойнби, «Вопросы истории», 1957, № 1, էջ 138

Պատմության «Հավիտենական վերադարձի», «լուկալ կուլտուրաների», շրջապատության պատկերացումը բարդ և բազմերանգ պատմական պրոցեսի առանձին մոմենտների, գծերի, երանգների միակողմանի, ալյանդակ պատկերումն է, մի պատկերում, որը բացարձակապես անհամատեղելի է հասարակական առաջադիմության գաղափարի հետ: Այս նկատել են ոչ միայն մարքսիստները, այլև անցյալի ու ներկայի ոչ-մարքսիստ լուրջ փիլիսոփաներ, սոցիոլոգներ, տնտեսագետներ, նույնիսկ բնագետներ: Ռուս ակադեմիկոս սոցիոլոգ Ս. Կովալևսկին գեո կես դար սրանից առաջ նկատել է, որ հասարակական առաջադիմության կողմնակիցները չեն կարող ընդունել շրջապատության գաղափարը: «Առաջադիմության գաղափարը, — գրում է նա, — անհամակերպելի է արդեն իրենց դարն ապրած կարգերի վերածնության անհրաժեշտության և արդեն անցած ուղուն վերադառնալու հայացքի հետ»⁹:

Ֆրանսիական հայտնի պրոգրեսիվ կոսմոգոնիստ Պ. Լաբերենն քննադատարար շարադրելով դանազան իդեալիստական կոսմոգոնիական տեսություններ, մասնավորապես նշում է «Հավիտենական վերադարձի» կոնցեպցիայի ոչ միայն սխալ, այլև վտանգավոր լինելը: «Հավիտենական վերադարձի հիպոթեզը պատկանում է առավել հին, և անկասկած, առավել վտանգավոր հիպոթեզների թվին»¹⁰:

Բուլղարական հրապարակախոս, «Հայրենական ճակատ» թերթի գլխավոր խմբագիր Ի. Կուլովսկին լավ է հեզնել, օրինակ, Թոյնբրին և նրա հակապրոգրեսիստական հայացքները. «Վերջերս իմ ձեռքն ընկան անգլիական պրոֆեսոր Թոյնբրի գրվածքները: Նա բնավ էլ Ֆաուստ չէ, անցյալ ժամանակների այդ գիտնական-պատմաբանը, որը փորձում է քաղաքակրթությունների նկուղները՝ ապացուցելու համար այն թեզը, թե մարդկությունը իբր թե ոչ մի առաջադիմություն չի կատարում: «Մարդիկ ի ծնե անհաջող կերպով դուրս են կախարդական շրջանում»¹¹:

Հասարակության պատմության վերաբերյալ ցիկլային հայացքների վերականգնումը ևս մի նոր ցայտուն ապացույց է, որը ցույց է տալիս, որ բուրժուական միտքը իրոր խոր ճգնաժամ է ապրում, անգոր է բացատրելու անցյալը, մարդկության ժամանակակից շարժումը, նրա ապագան: Պատմության այդ առաջընթացը խորապես և ճշմարիտ կերպով բացատրում է միայն մարքսիստական պատմափիլիսոփայական սխեման, իր մեջ միացնելով երկու հիանալի առանձնահատկություններ՝ խոր գիտականությունը և համարձակ հեղափոխականությունը: Մարքս-լենինյան մտքի վեհ փաստաթղթում՝ ՍՄԿՊ նոր Մրագրում խոր ընդհանրացումներ են արված և արդիականության մեծ պրոցեսների հիման վրա կրկին հիմնավորված է գիտական պատմափիլիսոփայության այն դրույթը, որ համաշխարհային պատմությունը ընթանում է ոչ թե րաոսարար և ոչ թե ցիկլերով կամ շրջապատություններով, այլ հասարակական առաջադիմության օրյեկտիվ օրենքի համաձայն և որ մարդկության իսկական առաջադիմությունը կարող է ապահովված լինել միայն կոմունիզմի ուղիով:

⁹ Максим Ковалевский, Социология, т. I, 1918, СПб, էջ 126:

¹⁰ П. Лаберенн, Происхождение миров, М., 1957, էջ 221:

¹¹ Н. Кьюловски, Утро грядущей эры, «Известия», 2 августа, 1961.

К КРИТИКЕ КОНЦЕПЦИИ ИСТОРИЧЕСКИХ КРУГОВОРОТОВ

Г. Г. АСЛАНЯН

(Р е з ю м е)

В современную эпоху с огромной силой проявляется величие марксизма-ленинизма, ставшего владыкой умов передового человечества, и вместе с тем глубокий кризис буржуазной идеологии, отражающий общи́й кризис мировой системы капитализма. Эта идеология оказалась бессильной объяснить величайшие процессы, связанные с закатом капитализма и утверждением коммунизма.

Кризис буржуазной идеологии, как в фокусе, отражен, в частности, в философии истории, ибо здесь речь идет о содержании и направлении хода всемирной истории, о связи прошлого, настоящего и будущего, о движущих силах исторического процесса. В наше время это означает бессилие буржуазной мысли раскрыть сущность и смысл таких эпохальных процессов, как превращение социализма в мировую систему и в решающий фактор общественного прогресса, распад колониальной системы империализма, возросшая роль народных масс, величайший технический переворот и т. д. Деградация, разброд, социальный пессимизм, неверие в силу человеческого разума (иррационализм) и в общественный прогресс — таковы некоторые черты кризиса буржуазной идеологии.

Выражается он в двух формах: антикоммунизм, т. е. систематическая беззастенчивая клевета по адресу социализма, политики коммунистических и рабочих партий, фальсификация марксизма-ленинизма и в то же время апологетические теории империализма, с одной стороны, а с другой — социальный пессимизм, нигилистические умонастроения, разглашательства о неизбежности катастрофической гибели мировой цивилизации. На этой почве выдвигаются различные наукообразные концепции и схемы истории, противоречивые, часто взаимоопровергающие, которые противопоставляются марксистско-ленинской философии истории с целью дискредитировать идею общественного прогресса, а вместе с тем и идеалы коммунизма.

Одной из модных концепций подробного рода является теория исторических круговоротов (циклов). В статье дается сжатая критическая характеристика проявлений этой концепции у таких идеологических столпов империализма, как Ф. Ницше, Осв. Шпенглер, А. Тойнби и другие.

Несостоятельность всех этих теорий «вечного возврата», «локальных культур», «локальных цивилизаций» и т. п. показана уже многими прогрессивными социологами, историками и даже естествоиспытателями. Марксизм-ленинизм полностью разоблачает названные концепции. Ход истории представляет собой не случайное скопление событий, не круговорот, а объективно закономерный процесс, идущий по восходящей линии.